

اداره مخصوصه

درسعادتده باب عالی خاده سنده

محل اداره :

مشارف

۱۳۲۶

انتشار :

مسک منز موافق آثار جدید مع المنوبیه

قبول اولنور

درج ابدلین آثار احاده اولغاز

دین ، فلسفه ، ادبیات ، حقوق و علوم دین باحث هفته لق رساله در

مؤسسلری : ابوالعلا زین العابدین - ح . اشرف ادیب

درسعادتده نسخہ سی ۵۰ پاره در

تاریخ تاسیسی :
۱۱. نموز ۳۲۴

قیرلہ دن مقوا بورو ابلہ کوندریلیرسه سنوی
۲۰ فروش فضلہ آلنیر

سنہ لکی	القی آیانی	درسه دتده
۶۰	۳۰	ولا یاتده
۸۰	۴۰	ملاک اجنبیہ ده
۸۰	۴۰	

درسعادتده پوسته ابلہ کوندریلیرسه ولایات بدلی با خندا ولنور.

عدد : ۳۱

۳ ربیع الاول ۳۲۷ پنجشنبه ۱۲ مارت ۳۲۵

ایکنجی جلد

علی فرخ بك افندی صوفیه ده قومیسر ایکن احبادن برنی صوفیه کتبخانه سنه بر فهرست یاقی ایچون تعین ایلمشدی . ایشته اووقت بومکتوب اله یکمشد . بر قوبیه آلدی . اصل ، بنه اوراده در ، باقی اخوت ... بر اوادی مفتیدی .

مصطفی صبری

« مؤمن قرداش .. جمله ادله یه نظر اولندی ؛ منافات یوقدر ، توفیق آساندر . تسلیم ایده لم که منافات اولسون ؛ عدم جوازندن جوازی اقوادر . بومسئله نك جوازنده یکمیش وخاضره سزدن غیری علمادن براحد مخالفت ایتمه دیکی اقوی ایدوکنه دلالت ایدر ، الیکزده اولان جمله تمسکری بیلورلر ، اکثری سندن اعلم واتی در . عمل ایتمدیکز ، سکا بودلیل یتزمی ؛ سلم که ضعیف اولمش ؛ اقوی طورور ایکن قول ضعیف ایله عمل ایله مک جائز دکدر ، دیرسک . سزه کیم جبر ایلدی ؛ قاضیسکر اولدیکز ؛ ملازمینه قاضیک ویررسک ؛ بومسئله ده اقوای اقوالدن هانکی قولله عمل ایله دیکز ؛ وقاضیسکر لکدن آلدیفکز عوائد اقوای اقوالدن هانکی قولله در ؛ طالب اولانلره قاضیلق ویرمک اقوای اقوالدن هانکی قولله در ؛ بوجهایی برکیمسه منع ایله ، بدعت احداث ایلر ، دیرسک . وقف دراهم بوجهلدن دخی ضعیف اولدی ؛ اگر دیر ایسه ک « قاضیسکر اولمق فی زماننا اوزریمه لازمدر » بومسئله ضعیفه ایله ده عمل ایله مک لازمدر . اگر دیر ایسه کز : « طالبینه قاضیلق ویرمک وقاضیسکر اولمق وبومحصولاتی اخذ ایتمکه تعامل ناس جاری اولمشدر ، اقوال مجتهدین ایله منع اولماز » ؛ جمیع وقف نقوده تعامل جاری اولمشدر ، اقوال مجتهدین ایله وزبده الفتوی کلامی ایله منع اولماز . جمیع احوالکتر هب فتوی واقوی اوزریمه می اولدی ؛ هان ضعیف ، نقوده می منحصر اولدی که منع ایدرسک ؟

مؤمن قرداش ... حاشاکه . بواظهار حق اوله ؛ اغراض نفسانیه دندر ، نسبت وتقصیردر ، اوچیوز بیهل قریبدر عمل اولنه کلش قول مجتهد ، اگر ضعیف دخی اولسه منع ایله مک شرعی دکدر ، بلکه بدعتدر . اگر برکیمسه منع ایله مک قیام ایدرسه بویله ایدن قاضی وقاضیسکرک شرعاً عزلی واجب اولور . من بعد اولماسون ، دینه منع ایله مک ، کندی سوزکه نفسکی عزل ایله مک ، وملزم اولدک اقوال ضعیفه دن بر قول یوقدر ، الا وقتده عمل اولنسه کرک . حتی ائمه مجتهدین بعض احکامی منع ایتمشدر ؛ مقتضای زمانله عمل اولنور . ائمه مجتهدین بعض مسائلی زمانه ومکانه تعلیق ایتمشدر ؛ استداره زمانه تابع اولمق لازمدر . بعض احکامده شریعتک احوالی مقتضای زمانه تابعدر . ای کیدیور ایکن عالمی قاریشدیرمه ، اضطراب ویرمه ، فتنیه باعث اوله ؛ اگر وقف نقودک منعه شرعاً دلیل بولمق ایسترسه ک ، میسر دکدر ، بوله مازسک ، امک خرج ایلمه ؛ الکده اولان تمسکله دایره سنه اوغراماز ، آنسکه ممنوع اولمق احتمالی یوقدر . غایت التزام اولسه ده مساوات ادله برشی مساویسنی ابطال ایله ماز . بومسئله می کندی حاله قوی ، منع ایلمه ؛ نیجه کلدیسه اوپله کیتسون . عزیز وقتلو مسئله در . امت محمدک دنیا و آخرتی معمور اولسنه سبدر . ارکان اسلامک رکن اعظمندن برنی هدم ایلمه ، دینه

بوالبسه مراقی اوککلرده ده وار ، قادیلرده ده . اونک ایچون ، محض تزینات ظواهر ایچون هرشیئی فدا ایدرلر ؛ یک منہمکارانه دوزانیرلر . اک زیاده مذموم اولان جهت بوانهماکدر ، انسان نه پارهیه ، نه یکمه ، نه البسهیه ... هیچ برشیئه ارتباط حاصل ایتمه می ، کوکلندن ارتباط وتعلق حاصل اولمازسنه اله بولمق مانع دکدر ، چونکه الله حلال ایتمشدر ، نفیس نفیس طعاملر ، اعلا البسلر ، هرکسک وسعته کوره حرام دکل ، صورت مشروعه ده قازانیلیرسه استعمالی مشروع صاییلیر . بلکه بعض احوالده واجب اولور .

(قل من حرم زینة الله التي اخرج لعباده والطيات من الرزق) هر نعمت الهیهدن صورت مشروعه ده استفاده ایدرسک ؛ فقط حق شکرینی ایفایه چالیشه رق ، مادی ومعنوی مستفید اوله رق . (اذا انعم الله على عبده الخ) حدیث شریف معلومکدر . یعنی الله بر قوله نعمت احسان ایدرسه اوزرنده اونک اثرینی کورمک دیلر . هرشیئک اطیب اولانلری ، اک زیاده ذوقه کیدنلری ده استعمال اولونه بیلیر ، لکن هیچ برشیئه کوکل ویرمه می ، آلایشه باغلاماملی غیر مشروع اولورسه قاجلی .

۵۳ نجی درسک صوکی

قهرمان حریت نیازی بك افندی طرفندن کوندریلوب کچن هفته کی نسخه من ماکنه یه وریلدکدن صوکر ادله خاه منزه تبلیغ اولونان تلفرافنامه در ؛ صراط مستقیم غزته سنه

سربستی ایله سربست از میرده فرقه احراره اتسابعه دائر بر فقره کوردم ؛ کلیاً یالان وفساد آمیزدر . ایشته مطبوعاتمکک حالی کورملی . مطبوعاتمزدن بونمی انتظار ایده جکدک ؛ وطنمزی قورتاران ، آغزلمزی آچدیران اتحاد وترقی جمعیتی دکلی ؛ بوکا تعرض کفران نعمت دکلیدر ؛ بوجعیتک مقصدی سعادت وسلامت وطندر . عمرم اولدقه اتحاد وترقی جمعیت محترمه سنک اک عاجز بر اعضاسی صفتیه محترم ملتله خدمات فدا کارانده بولنه جغمی وبوعزمی اولومدن غیری هیچ برشیئک تغیره امکان اوله میه جغمی کمال فخر ایله اعلان ایدرم صافدل اهلیمزک تربیه اخلاقه چوق احتیاجلری واردر . مطبوعاتدن خدمت بکلرایکن منفعت شخصی طولایسیله بالعکس فکرلری زهرلیور . وطنی سسون بونلره اهمیت ویرمز ؛ فقط کناهدر ، آرتق یتر ! .. مطبوعات وارباب مفسدندن انصاف ! .. ۳ مارت ۳۲۵ سنه اتحاد وترقی جمعیت عاجز اعضالندن

قول اغاسی : رمزی نیازی

امریای آثار :

افندم ، صراط مستقیم هدیه اوله رق اوج یحیی همدردن ده زیاده بر وقتده یازیش بر مکتوب کوندریورم . مناسب ایسه طبع ایدرسکز . صوفیه بر سیاحت بعد مسافده کاش صالحیه قریه سنده مدفون رجال خلوتیدن حضرت بالی طرفندن قاضی عسکر جوی زاده محمد محی الدین افندی یه یازیشدر . احرارانه بر مکتوب . نه قدر ساده ، نه قدر دوفرو . بر مسلماندن دیگر بر مسلماننه ، خصوصیه بر طامدن دیگر بر طاله . القاب غایت خوش . هیچ تکلف یوق . مرحوم

خرج ومضایقه ویرمه! بدعت، ضلالت احداث ایلمه! کنیدی اقوال ضعیفه ایله عمل ایتمکدن منع ایله وغیری بی دخی منع ایله! مؤمن قرداش... اقوال ضعیفه ایله عمل ایتمکده وقف دراهم ایله عمل ایدنلرله برابر سک. آخرتده آنلره نه لازم اولورسه سکاده او لازم اولور. هان سن مخالفتکله قالیرسک. علما زمره سندن آیری دوشوب یا کیملر ایله حشر اولورسون؟..

مؤمن قرداش... روم ایلیک بعض عمارتلی و بعض مدارس ومساجدی واکثری جامعلری اوقافی نقوددر. جمله سی آت آخوری اولوق مقرر اولدی؛ من بعد معمور اولوق میسر اولماز.. وشهرلر وقصباتک صولری اوقافی نقوددر، قورومق مقرر اولدی؛ من بعد یکیدن عمارات ممکن دکلدرد. عمارات، مساجد ومدارس ودخی بونلرک امثالی خیراتدن نه کیم وارغایت آزواقع اولور. ودخی نیجه یرلر اوله که نه دین، نه ایمان عمرلری بهایم کبی کله. کچه. وقف نقودی منع ایتمکدن حاصل بودر. بیلیمش اوله سک که آنلری بونجه ثوابدن محروم قورسک. واکر نه اولورسه اولسون هان بومسئله نک وجودی عللدن کوتورلسون، دیرسه ک آنی ینه سن بیلورسون.

مؤمن قرداش... برکیمسه «قضاتک کتابلرنده تعیین اولناندن زیاده نکاحدن ومجتنیدن وغیریدن آلدقلمی حرامدر» دیسه کفر قورقوسی واردر. زیرا تعامل ناس جاری اولوق اجماع مرتبه سنده در. سنت ایله اولمشدر، حجت قاطعه در. وقف نقودک صحتده امام حسندن وامام محمددن وامام زفردن (رحم الله) نقل وارد اولدی، فقهانک فتوا کتابلرنده «وبه یفتی» دیلیدی، و تعامل ناس جاری اولدی. برکیمسه بومسئله یه «باطل وحرامدر» دیسه نه فکر ایدرسک؟ هیچ اوله می که اوکیمسه صاغقله قورتوله؟ آنک حقتده اولی بودر که توبه واستغفار ایله یه، بلکه احوالک یکله یه. وقضاته لایق اولان بودر که اوله کلشدن زیاده المایلر، فقرایی مالندن اوتری تضییق ایله میله لکه سؤاله ودینه مؤدی اولمایه کیم مکروهدر، تعدی وتظلمه راجعدر، سوء عملدر. یوم جزاده سؤال احتمالی واردر. احتراز محیدر. فقراتک مصالحنی رضاء لله کورمک واجبدر، سعادتلرینه سبیدر، حقک غفرانه استحقاقدرد.

مؤمن قرداش... مفتیلر برطرفدن اطراف عالمه فتوالر کوندر یرلر؛ هیچیدر، اقوی در، دیه.. سز برطرفدن حکملر کوندر یرسکیز: عمل ایتمک، دیه. نیجه هدایتدر؟ نیجه اصلاحدر؟ دین اسلامک انقراضه سبیدر. غیر برشی صحیح ومفید دکلدرد. بونک کبی فعل، مؤمنه لایق دکلدرد. خصوصاً اهل علم اولان علمایه سویلرسک: زفرک بوقولی شرعی دکلدرد، دیه. امام زفر مجتهد فی المذهبدر، بعض اقوالی مفتی بهدر؛ خصوصته وکیل اولان قبضه وکیل اولماز... ائمه ثلثه قتنده، امام زفر قتنده جائزدر. [۱] فی زماننا قضاة آنکه عمل ایدرلر. غایتی

[۱] اشبو عبارتت اصله تمامیه موافقتی جای ترده در. برایکی کله اکسک اواق احتمالی واردر. زیرا خصوصته وکالتک قبضه وکالتی استلزام اجتهبکی امام زفر حضرتلرینک قولی در. نه کیم سیاق وسباق افاده دخی بونی کوستریود. ائمه ثلثه من (مام اعظم، امام ابی یوسف، امام محمد) حضرتلرینه خصوصته وکیل

بوکه خطا ایلمش اوله، مجتهدک خطاسی دخی شرعی در. اهل علمه لایقمیدر که، شرعی دکلدرد، دیمک؟ برغیری کشی دیسه کفرنه حکم ایدر دیکیز. بوخصوصی مفتی به و محی الدین چلبی به آرقوری قویغه الیرنده کی تمسک لرندن غیری بومسئله معمول بها اولاندن بری جمله علمایه حجت قاطعه در. سنک مخالفتدن غیری سنه ک یوقدر. سنک علمک، علماتک علمنه وعقلنه واسلامنه برابر می اولسه کک؟ جمله نک رأی خطا اوزرینه ختم اوله، سنک اصابت اوزرینه می اوله؟ واقف علم لدن اوله سک، هیچ جائز کورر کور کیمسه وارمی؟ شرعاً سکا حکمنی اعاده ایلمه مک واجبدر. جهل عذر اوله من. کال پاشا اوغلی اوچ فتوا سندن رجوع ایلدی؛ فقیر بیلیم. امام فخر رازی رحمة الله علیه نیجه ییللر بومسئله یه یقینی وارایدی؛ خلاف ظاهر اولدی، نیجه کونلر و نیجه ییللر آغلادی: بنم حالم نیجه اوله، دیه، اگر جمله بیلدیکم بونک کبی خلاف واقع اولور ایسه وای بکا!... دیدی.

مؤمن قرداش... علما ومؤمنین وکامللر بونجیلر اولورلر، خطالرینه اعتراف ایدرلر؛ حق تعالی قتنده مقرب ومحبوب اولورلر. مؤمن قرداش... حق تعالی حضرتلرینه یوز آقلمی ایله وارمق مرادک ایسه، مسئلہ یی نیجه ییقدک ایسه ینه اوله جه یاب.. ظاهر روایت کتبله عمل ایله دک، اقوادن ضعیفه عدول ایله دک، نه دن قاجدک ایسه ینه آنک اوزرینه اوغرادک. جمهور علمادن خطا مرفوعدر؛ فی ای عصرکان تصدیق ایتمک واجبدر. حقیقه الشرع اولی مصدق اولوق اوزرینه منتظم اولمشدر. جمهور علمایی تکذیب ایتمک کذبدر. ختم کلام بودر که وقف نقودده تعارف ناسه اعتراض ایدرسک واقوال مجتهدین ایله ابطال ایدرسک؛ بو بر امر غریبدر که معناسنی انجق ینه سن بیلیرسک. مؤمن قرداش... بومذکورات، که واقع اولدی، بزدن بیلیمه ینه کندی نفسندن بیل. غیرت حق غلبه ایلدی، بی اختیار صادر اولدی. غایتله کندی نفسنی کوردک، اعزاز واکرام ایله دک؛ شرعاً تعظیم واجب اولور طائفه نک اولوسنی و دیریسنی و اولوسنی و کچمشنی تحقیر وتجهیل ایله دک... آنلر محطی اولمقدن معروف بودر که سن اوله سین. از سنه دکلدرد، برکلی قضیه در، عقوبات مترتب اوله جق نسنه در. بو بزم کلماتر سزه جانب حقدن عتاب وغنایتدر وتنبیدر. بیلیمش اوله سک حقک بولطقی وغنایتی دکله لره نصیب اولماز. نه اوله ایدی حق تعالی وجل بزه دخی نصیب ایده ایدی؛ برکیمسه خطامری اعلام ایده ایدی.

مؤمن قرداش... بوکلات که بزدن سزه واقع اولدی، اگر حقسه استغفار ایده سک؛ اگر باطل ایسه بزه دخی اعلام ایده سک، بزدخی جوابنه قادر اوله ماز ایسه ک باری توبه واستغفار ایله یلم... والله اعلم بالصواب...

اولانک قبضه صلاحیتی قبول اولوغشدر. دیکر ائمه ثلاثه یعنی امام مالک وشافعی و احمد بن حنبل حضرتلرینه امام زفر کی اجماع دیور مشلر در بنابرین بوجه ک اصل وشبهه یی برده هان یفتی مطعی صبری افتدی حضرتلرینک لفظلرندن بکار ز...

هلال مطبوعه سی ابوالملا